

桃源縣志

增繪民國城鎮
鄉圖共二十本

桃源縣志

增補
附錄
卷之十
下

桃源縣志卷之二

營建志 城池 官廨 壇廟 坊表 橋梁 津渡 隄渠

疆域既定則城池官廨營建在所必先城池所以資防守而其
統於城池者有關隘有亭閣有石室浮圖皆與金湯而並重官
廨所以聽政事而其統於官廨者爲公館爲驛舍爲倉庫監獄
亦隨經畫以俱周非直以崇墉峻宇特肅觀瞻已也矧桃源扼
滇黔之要道苗疆多事戎車由此經過率多不逞之徒乘機剽
竊非有城池官廨其何以禦寇盜而庇人民雖其間建置縣城
屢修屢廢雉堞女牆僅存什一而城樓軒舉市廛鱗次布置亦
極森嚴又濱江爲池波濤萬狀上控玉溪下注九江地勢益增
雄勝其公廨則自前明以來半多燬燬令斯土者相繼補修究
未能驟復舊觀光緒十五年知縣余良棟捐修衙署自儀門以

至後堂一例更新體製較前更爲壯麗又增設八櫃以便徵收
蓋總理若是之密也至壇廟之關乎祭典坊表之旌揚懿美皆
次第舉行並及考棚武場一一隨時規復而奉文重建育嬰堂
籌款生息以爲經久之策尤足以竟前令未竟之功其橋梁津
渡塘堰隄渠之利溥生民者流風善政昔賢固卓卓可傳而都
人士之同襄善舉告厥成功美意尤不可沒也於是乎志

城池

夫建國莫大於城池設險莫嚴於關隘桃源據上游號爲形勝
自宋乾德二年置縣以來兵革繁興未議修建明成化間通判
張瑛始築土城以資捍衛逮崇正十三年兵部尙書武陵楊嗣
昌題建磚城經始東北式廓規模尋因寇亂未竟其功而舊砌
磚石漸以傾圯卽關隘亦僅存廢基此所以流寇犯境雖有九
溪九鎮之紳團同時堵禦不足以抗賊鋒也石櫃所以殺水勢
而護城根歷數百年江濤衝擊猶足以砥柱狂瀾實爲縣城保
障其間爲亭者十有四爲閣者五爲堂爲齋爲園者各一而伏
波避暑之地文徵隱居之洞萊蘿讀書之所皆有石室巉巖峭
壁之間不可得而迹矣惟曜日巖潯陽坪二塔凌空勢欲飛動
巋然與今剏修之楚望塔隔江鼎峙是皆未可略焉弗紀也

桃源舊無城郭明成化十六年通判張瑛乃相其高阜築土城二

百餘丈卑溼不堪版築者立排柵四百餘丈以資捍衛

舊志下同

宏治十年知縣季

舊志作李

文顯補築土城建四門東曰迎恩東南曰

迎薰南曰通道北曰通郭時奉分巡副使魏英檄爲之

嘉靖十四年知縣伊天祐率市民輪役版築不月告成規制雖簡可資防禦萬厯戊戌知縣趙築城東北

崇正十三年兵部尙書武陵楊嗣昌題建磚城設商稅以資用分巡道陳瑾擴其規模邑人程純督工始事東北尋因亂罷城

東由迎恩門起經城隍廟抵關城口似磚城高二丈長共十一

丈零由關口北上轉西磚城高一丈長二十四丈又西至通郭

門西土磚城高二丈長十八丈五尺

後漸崩圯不盡如舊

餘至通道門皆

憑後港由通道門經迎薰門至迎恩門皆濱大河均無城

舊志

咸豐四年粵匪入境燬迎恩東門光緒十七年知縣余良棟重修
古城附考

古采菱城在縣東十五里楚平王築

沅南故城一在縣西南百二十里馬援征蠻所築一在武陵縣西南七十里東漢縣治一在潯陽坪漢延平間築今其遺址皆不可考矣

黃土故城在縣北十五里城高丈餘厚倍之土塘尙存十之七去

黃土鋪塘四里

舊志

石櫃

石勘以衛城者故附城池

上石櫃在縣學前 舊志元延祐庚申建常德路權儒學錄張壽

識其年月造者姓名於石明隆慶五年洪水衝決無遺萬曆二年巡撫趙賢臨縣因士民籲請批府議重修四年知府葉朝陽

准動官銀二百兩給石工知縣鄭天佐更捐資縣丞徐徽言董役五年夏竣工櫃南砌石陂以塞泉道陂上砌石埠東建川上亭於儒學前屏障上流所係於城垣者甚鉅

壽一作燕

下石櫃在勸善寺前舊志縣當五溪之衝通七省之衢洪濤湍發歲爲民害萬歷三十六年夏暴水齧址殆半越五年知縣劉炅首先區畫建之四十三年冬工始竣舊稿云新石櫃在迎薰門外上接上石畫高二丈九尺長五十六丈乾隆四十五年知縣羅紳請建發櫃帑銀二萬七千兩零修復堅固永爲桃源縣城保障

關隘附

白馬關在縣西南二十五里其下卽白馬渡舊有巡司今裁

統志府

志郡西南通沅陵其桃源諸驛山僻民稀時多劫奪設白馬高都二巡檢司以防之

高都鎮在縣西南一百二十里

統志 總志明
設巡檢司今廢

蘇溪鎮在縣北八十里元置巡司明廢

統志

麻溪鎮在縣北一百里元置巡司明廢

統志 府志盤塘麻溪居
處界平石門慈利之閒西

通永順東達武陵乃
其路之小而監者

楊口砦在縣南又有白巖砦

統志 宋史地理志大中祥符五年廢
桃源楊口白岩二砦今縣南百餘里有

楊溪水口在縣南五十里溶洲上縣
西五十里有白岩寺疑卽其地也

白磚砦在縣北一百二十里黃石砦在縣北一百三十里

統志 宋史地

理志常德府元豐三
年廢白磚黃石二砦

湯家坪在縣西南四十里相近有項家坪

統志

五馬砦在縣西五十里

封子山在縣北九十里又雲圖山在縣北一百里楊歌砦在縣北

一百零二里

以下新增 按此四砦乃明崇正十六年春闖賊
據澧州犯縣界鄉紳羅名臣等團練九溪九鎮與

鄉紳羅其鼎團結及縣市諸處團兵相約剿賊帥眾堵禦之所
中有岡陵廟等塘汎乾隆間始廢其驛路由蘇黃渡渡汎水經
沙羅溪硤石口街頭坪小蘇溪覆船
岡岡陵廟麻溪鎮等通澧州石門界

燕子巖在縣西四十里 順治四年郡尙未入版圖全倚團兵爲
衛而賊駐溶州攻破各團獨燕子岩一團明舉人羅人琮聯絡
諸團屢戰克捷

馬蘭口在女貞橋南一里咸豐甲寅夏邑侯朱湘人築土城禦賊
遺址尙存自鼠溪至此皆兩山峙立僅通人溪水出其旁爲一
村之關鍵山多馬蘭花故名

硤口在縣西五十里燕子巖團兵守隘處

木馬口在縣西南一百七十里水驛守隘處

湯溪口在縣北一百里岡陵塘守隘處

灰山口紫蘩口在縣東五十里三店口在縣東北四十里均明末

圖兵守隘處

壺頭山在縣西南二百里沅陵界漢馬援駐軍處

府志註常德之險莫先壺頭山險水湍石齒齒溪流中一夫守之千人莫當漢征五溪耿舒請從充道馬援不從卒營壺頭竟以險不克進蓋壺頭俯濱大江辰澍諸水經焉清浪驛則五溪蠻出入路也獲子洞入常德境據我兵上游蠻或騷動升險鼓譟如建瓴我兵卽攻勢必難入故善戰者必先奪之

高巖在縣西南百七十里按壺頭高一百里圍三百里則自沅陵辰龍關下至桃源官庄高崖等處皆其麓也康熙十九年大兵駐太平鎗攻辰龍關引一軍由高崖間道入關之右一軍由細溪間道入關之左一軍由滄溪間道繞關之後則高崖細溪滄溪又壺頭之隘也

仙源關在縣東五十里河湫山下咸豐元年知縣朱元增建砌石

如城上修譙樓咸豐四年粵匪竄境樓遂燬

增

附錄營冊所載巡查險要之處

武陵界之河湫高灘安福界之錫城寺六合埡沅陵界之陸路甯鄉鋪水路象鼻岩安化界之烏雲界每月把總巡查則諸處亦要隘矣

營冊

又營冊載邑境隘路之各險河湫蘇黃二駟路外東南五十里武陵界曰羅斗坡西南一百五十里安化界曰黃牯井南六十里武陵安化界曰三板橋北一百二十里石門界曰界溪河一百七十里石門慈利二界曰凉水井東北五十里武陵安福界曰戴公坡東北七十里石門安福界曰大壩山西北一百九十里沅陵慈利二界曰三都水二百里慈利界曰托孔山自古名

將攻易得者莫如僻路守易失者亦莫如僻路故備存之以爲

守防之助焉

亭閣

亭閣以歲久圯廢存者十之一二今列其名

龍泉井亭

在縣前五里古寺旁

程煥龍泉井碑記今廢

旌善亭

在譙樓外左明縣丞羅益建

今廢

申明亭

在譙樓外右明縣丞羅益建

今廢

敬一亭

在明倫堂明嘉靖八年知縣汪洋建

今廢

野春亭

在縣城內清異錄武陵儒生苗彤事園池以接賓客有

野春亭

雜植山花五色錯列今廢

府志

仙逕亭

在桃川天甯書院東相傳爲神仙憩遊之所道人呂崑

有詩今廢

印偉萬壽宮記

伴霞亭

在桃園洞前提督俞益謨建今廢

桃源洞記

遇仙亭

在桃園洞遇仙橋上提督俞益謨建現存

增

方竹亭

在桃源洞前遇仙橋左下今廢

桃源洞志

八方亭

在桃源洞前明陳性學記云中丞江念所建

日新亭

在縣北一百二十里提督俞益謨建今廢

聖水泉記

萬善亭

在縣東四十里居民李大富建

增

古洲亭

在兩漢港西岸乃古洲渡櫟溪渡馬家渡三義渡之覆

碑亭也

古采菱亭

楚平王所建也在縣東北二十五里采菱城上今蕪

沒矣

舊府志

漳江閣

在縣東久廢雍正二年復建乾隆十九年圯知縣屈宜

伸重建後又圯嘉慶五年知縣王述周復建十七年知縣李英

竣修同治五年知縣余堅重修現存

石梁閣 在縣南六十里馬石溪上郡人龍膺建太常記

蕊香半閣 在縣南六十里寶城山上龍膺築府志

雪濤閣 在縣南二十里江盈科建府志

黃聞閣 俗作水府閣在桃川宮西南迤數百武聳峙巍峩俯視

百里爲邑西南之勝今存

墨舞堂 在縣南二里印司奇建府志

岸舫齋 在縣西三十里闕士琦築府志

最古園 在縣治西邑人羅人琮建僅存遺址光緒十六年知縣

余良棟置其地重建育嬰堂堂後仍留餘地規復前賢名勝旌

其額曰古最古園增

伏波石室 在縣南六十里伏波洞卽馬援鑿以避暑處九域志

桃源欽山有馬援所鑿二石室瀕江高瞭石窟數十增

於文徵石室 在縣南六十里伏波洞後額曰源陽仙隱洞中有

文徵遺像

增

江萊蘿石室 在縣南四十里萊蘿花園內江盈科鑿以讀書

浮圖三一在縣東二十五里曜日岩嘉慶二十一年冬知縣李英
議建浮圖相其曜日岩買朱姓山一方成羅人琮浮圖建水口
意也既而費鉅中輟二十四年知縣譚震籌辦告竣取二十三
年延泉所獲古鐘及永北吳道士觀音像鎮之一在潯陽坪山
上高九級名曰迴風塔道光十九年知縣明泰諸建一在縣治
延溪入沅處高九級曰楚望塔光緒十九年知縣余

良棟建

文光塔 在邑北百二十里兩河口塔當香山犀龍二溪之間而
循西岸澎湃專注塔前者爲犀溪塔成漸徙向東湍急衝決之

忠蓋一變而饒曲折滌洞之致已